



Ysgoloriaeth Urdd Gobaith Cymru - Patagonia 2017

Mae'r Urdd yn cynnig £2,500 i berson ifanc (oedran 18 - 25) o Batagonia i wirfoddoli yng Nghymru am gyfnod o 7 wythnos.

Mae'n gyfle gwyh i berson ifanc ddatblygu ei sgiliau iaith, dysgu am gyfleoedd newydd i blant a phobl ifanc i ddefnyddio'r Gymraeg, gwirfoddoli yn ystod Eisteddfod yr Urdd, a chwrdd â ffrindiau newydd.

Bydd angen i chi lenwi ffurflen gais yr ysgoloriaeth erbyn 13 Ebrill 2017 a'i hanfon at daibryer@urdd.org er mwyn ymgeisio. Bydd cyfweiliad Skype ar ddydd Mawrth Ebrill 18fed.

Bydd angen teithio i Gymru erbyn Mai 27ain er mwyn gwirfoddoli yn ystod wythnos Eisteddfod yr Urdd Pen-y-Bont ar Ogwr, Taf ac Elai. Yna bydd cyfleoedd i wirfoddoli yng ngwersylloedd yr Urdd yn Llangrannog, Glan-llyn a Bae Caerdydd ac adrannau eraill yr Urdd.

Ar ôl dychwelyd i Batagonia, bydd disgwyl i chi gyfrannu at brosiectau Cymraeg i blant a phobl ifanc yn y Wladfa, neu datblygu syniadau newydd e.e. Aelwyd yr Urdd.

Manyleb person -

Person ifanc oedran 18 - 25

Profiad o weithio neu wirfoddoli gyda plant a phobl ifanc

Mwynhau gweithio mewn tîm ac yn yr awyr agored

Rhugl yn y Gymraeg ac yn hyderus i'w defnyddio gyda plant a phobl ifanc

Dealltwriaeth o waith yr Urdd

Ar gael i deithio i Gymru erbyn Mai 27ain a gwirfoddoli am 7 wythnos.

Am fwy o wybodaeth am yr Urdd ewch i www.urdd.cymru

Manylion

Bydd disgwyl i chi dalu am gostau teithio i Fuenos Aires am gyfweiliad fisa ynghyd â chostau teithio i Fuenos Aires er mwyn hedfan i Brydain.

Byddwch yn derbyn lwfans wythnosol o £60 yr wythnos ar gerdyn Travelex.

Bydd Urdd Gobaith Cymru ar ran y Cynllun, hefyd yn trefnu llety ar eich rhan. Mae'n bosib y bydd rhaid i chi ddefnyddio trafnidiaeth gyhoeddus i gyrraedd eich lleoliad a disgwylir i chi ddefnyddio eich lwfans o £60 i dalu am hyn.

Unwaith y byddwch wedi derbyn eich lle, eich cyfrifoldeb chi yw trefnu a thalu am hediad o Buenos Aires i'r Deyrnas Unedig ac i wneud cais am fisa Tier 4. Dylech wneud hyn gynted â phosib. Gall cais am fisa gymryd tua mis i'w brosesu. **Ni fydd eich fisa Tier 4 yn caniatáu i chi deithio y tu allan i'r Deyrnas Unedig.** Bydd disgwyl i chi dalu am eich Fisa cyn dod i Gymru.

Bydd disgwyl i chi wneud cais am fisa o fewn wythnos ar ôl i chi gael eich derbyn.

Disgwylir i chi fynychu sesiwn briffio gan ein staff ym Mhatagonia cyn i chi adael a fydd yn rhoi'r holl wybodaeth i chi ac yn eich paratoi ar gyfer eich ysgoloriaeth.

Eich cyfrifoldeb chi yw trefnu yswiriant teithio i'r Deyrnas Unedig.

Bydd rhaid i chi hysbysu Sion James yn y British Council Cymru eich bod wedi cyrraedd yn ôl i Batagonia yn ddiogel, a dangos copi o stamp ar y pasbort fel tystiolaeth eich bod wedi gadael y wlad.

Ar ôl dychwelyd i Batagonia, bydd disgwyl i chi anfon adroddiad o'r Daith ynghyd â Chynllun Gweithredu ar gyfer y flwyddyn nesaf at y Monitor Academiaidd ac at British Council Cymru. Bydd gofyn i chi wedyn anfon adroddiadau cynnydd 6 mis a blwyddyn ar ôl eich Ysgoloriaeth.